

# Nukissiorfiit

Innaallagissamik tamanut pilersuinermi  
nalinginnaasumik piumasaqaatit

## Aallarniut

Nukissiorfiit innaallagissamik pilersuineri nalinginnaasumik piunasaqaatit, takussutissat ilanngullugit, Nukissiorfiit makkulu akornanni inatsisitigut tunngavissatut uppersaataapput pingaaruteqartut

- Illunik aamma inissianik nammineq pigisanik pigisallit (piginnittoq) innaallagissamik pilersuinermit attavilerneqarsimasut,
- Innaallagissamik pilersuinermit atuisut (atuisoq) aamma
- El-installatøritut akuerisaasut suliarinnittartut (el-installatørit)

Oqaasertalersornerani sullitaq ataatsimoortumik taaguuserneqarpoq piginnittoq aamma atuisoq, siunertaqartut isumaqarfigineqarpat. Sullitaq tassaavoq inatsisitigut inuk, Nukissiorfiit akiliisarnissamat uuttuutaanut ataatsimut arlalinnulluunniit nalunaarsimasoq nalunaarsorsimasorlu.

Piginnittoq, atuisoq aamma el-installatøri Nukissiorfiit pilersuineri nalunginnaasumik piunasaqaataasa imarisaat ilisimasariaqarpat, sammisat taassumunnga attuumassuteqartut eqqarsaatigalugit.

Piginnittut, atuisut aamma el-installatørit aamma Nukissiorfiit qaqugukkulluunniit inatsisit, peqqussutit, nalunaarutit innersuussutit il.il. atuuttut eqquutsinnissaannut pisussaapput. Taakkunanga makku immikkut erseqqissaatigineqarput:

**Nukissiornermik pilersuineq pillugu Inatsisartut peqqussutaat nr. 14 ulloq 6. november 1997-imeersoq**

**Innaallagialik sakkortoq atortullu innaallagiatortut pillugut Inatsisartut peqqussutaat nr. 12 ulloq 3. november 1994-imeersoq**

**Nunaqarfiit innaallagissamik imermillu pilersorneqarnerisa Namminersornerullutik Oqartussanit tiguneqarnerat pillugu Inatsisartut inatsisaat nr. 13 ulloq 6. november 1997-imeersoq.**

**“Ataatsimoortumik maleruagassat, atortorissaarutinik atortunillu innaallagiatortunik ikkussineq” (FR) pillugu Namminersornerullutik Oqartussat nalunaarutaat nr. 13 ulloq 11. juni 1996-imeersoq, Kalaallit Nunaannut ilassutit ilanngullugit**

**Kalaallit Nunaanni innaallagissamat sakkortuumut sanaartukkanut ataatsimoorussamik aalajangersakkat (FBSG).**

**Namminersornerullutik Oqartussat aamma Kalaallit Nunaanni Kommuneqarfiit Kattuffiat, kommunit nunaqarfiini innaallagissamik imermillu pilersuinerup Namminersornerullutik Oqartussat/Nukissiorfiit isumagileranni Isumaqatigiissutissatut Tunngavigisaq 1. januar 1998-imeersoq.**

## Imarisai

Nukissiorfiit innaallagissamik tamanut pilersuinermi pilersuinermut nalinginnaasumik piumasaqaataat immikkoortunut makkununnga agguarneqarput:

1. Nassuiaatit
2. Aallarniutaasumik aalajangersakkat
3. Attavilersinnermut aalajangersakkat
4. Atortorissaarutit innaallagiatortut
5. Akiliisarnissamut uuttuutit
6. Innaallagissamut aqqutinut ikkuffiit
7. Maalaaruteqarsinnaaneq

## **1. Nassuiaatit**

### **Attavilerfik**

1.1

Tassaavoq Nukissiorfiit innaallagissamik aqutaanni ikkuffiup attavilerneqarfia.

Attavilerfik tassaasinnaavoq sakkortusaavik, kabelinut skaavik imaluunniit napparut.

### **Ikkuffik**

1.2

Ikkuffiup sullitalu atortorissaarutaasa akornanni attavik.

## 2. Aallarniutaasumik aalajangersakkat

### **El-installatør akuerisaasoq**

2.1  
Innaallagissiornermi atortorissaarutininik suliasat akuerisaanissamik pisariaqartitsisut suulluunniit Kalaallit Nunaanni suliffeqarfimmit akuerisaasumit aamma el-installatørimit akuerisaasumit suliarineqassapput.

Suliat suulluunniit innaallagisserinermi malittarisassat inatsisillu qaqugukkulluunniit atuuttut malillugit suliarineqassapput.

### *El-installatørimut piumasaqaatit*

2.1.1  
El-installatøritut akuerisaasup piumasaqaatit uani nassuarneqarsimasut "Kalaallit Nunaanni elinstallatørinut ilitersuutit aamma akuerisaanissamut aalajangersakkat" Kalaallit Nunaanni Innaallagisserinermit Oqartussanit suliarineqarsimasut eqquutsissavai.

Ilitsersuummi qulaani taaneqartumi elinstallatøritut suliaqarnermi kiisalu akuerineqarnissamik pissarsissagaanni aalajangersakkat pineqarput.

### **Pilersuinerup killinga**

2.2  
Nukissiorfiit pilersuinermit killinga tassaavoq innaallagissap aqutaani sullitap innaallagissamut ikkuffia silaannakkut aqqutitigut, siammarterinikkut skaavimmi imaluunniit sakkukillisaavimmi attaveqarfilerneru.

Nukissiorfiit atortorissaarut pilersuinermit killigititaq tikillugu ikkussuutissavaa aserfallatsaaliorlugulu.

Pilersuinermit killigititaq tulluuttuni attavilernermi sumiiffittut taagorneqassaaq.

### **Piginnittup illuanut atortorissaarutit**

2.3  
Nukissiorfiit qulaani piginnittumut pilersuinissamut pisussaaffimmi eqquutsinnissaanut pisariaqarpat, pilersuinermi atortorissaarut piginnittup illuanut imaluunniit iluanut ikkussuussinnaavaa.

Piginnittup akiliinertaqanngitsumik nunaminertaq imaluunniit ini tulluortoq Nukissiorfimmut atortussaritissavaa.

Pilersuinermit atortorissaarut assersuutigalugu tassaasinnaavoq napparut, kaabili, siammarterinermit skaavik, sakkortusaavik il.il.

### *Pilersuinermi atortut allap illua aqqutigalugu pilersuineq*

2.3.1  
Nukissiorfiit immikkoortoq 2.3 malillugu pilersuinermi atortut allap illuanut ikkussuunneqarsimasut aqqutigalugit piginnittunik allanik pilersuinissamut pisinnaatitaavoq.

Tamatununga atatillugu pigittoq atorsinnaasaminik annikillisaaffigineqarnerminut akornusersorneqarnerminullu taarsiiffigitinnissamut pisinnaatitaappat, taarsiissutaasussaq piginnittullu kissaatigippagu periutsit atuuttut malillugit

isumaqatigiinniutigineqassaaq akilerneqassallunilu.

**Pilersuinermik  
atortumik nuussineq  
imaluunniit  
allangortitsineq**

2.4

Nukissiorfiit pilersuinermi atortui piginnittup, atuisup imaluunniit pisortat allaffissornikkut oqartussaaffii piumasaqarnerisigut allangortinneqassappata imaluunniit nuunneqassappata, Nukissiorfiit tamatumunnga atatillugu aningaasartuutai taama piumasaqartup akilissavai.

Nukissiorfiit pilersuinermi atortui sanaartornermi allangortitsinerit assigisaalluunniit malitsigisaanik piginnittup/atuisup piumasaqarneratigut illumi imaluunniit iluani allangortinneqassappata imaluunniit nuunneqassappata, Nukissiorfiit tamatumunnga atatillugu aningaasartuutai tamaasa piginnittup/atuisup akilissavai.

Teknikkikkut pissutsit pisariaqartitsippata Nukissiorfiit piginnittumut/atuisumut aningaasartuutitaqanngitsumik pilersuinermi atortorissaarutit tassanngaaniillu attaviit ilaasut illup pineqartup silataaniittut iluaniittulluunniit allangortinnissaannut imaluunniit nuunnissaannut Nukissiorfiit pisinnaatitaavoq.

Tamatumunnga atatillugu pigittoq atorsinnaasaminik annikillisaaffigineqarnerminut akornusersorneqarnerminullu taarsiiffigitinnissamut pisinnaatitaappat, taarsiissutaasusaaq piginnittullu kissaatigippagu periutsit atuuttut malillugit isumaqatigiinniutigineqassaaq akilerneqassallunilu.

**Pitsaassuseq**

2.5

Nukissiorfiit ataavartumik pilersuinisaaq pitsaasumik pitsaassuseqartoq atatiinnarniartussaavaa sakkortussuseq 3 x 230/400 V atorlugu, tak. Kalaallit Nunaanni innaallagissamut sakkortuumut sanaartukkanut ataatsimoorussamik aalajangersakkat (FBSG).

Innaallagissamik pilersuinermi attaviata ikkuffia taamaallaat tikillugu Nukissiorfiit akisussaaffigaat. Attavilerfissap killiffianut ikkussuereernermi aqcutip ikkuffiani atortorissaarutinilu ajoqutit amigaaatillu Nukissiorfiit akisussaaffiginngilai.

**Pilersuinermi aqcutinik  
suliarinnineq**

2.6

Pilersuinermi aqcutini imaluunniit innaallagissiorfimmi pilersaarutaareersumik suliaqarnisaaq sioqqullugu innaallagissamik qamitsinisaaq pilersaarutaareersoq pillugu Nukissiorfiit atuisuisut nalunaarfigissavai.

**Ilimaginngisamik  
qamittoornerit**

2.7

Nukissiorfiit atortuini assersuutigalugu ajoqutit ajoqusiinerillu malitsigisaanik qamittoornerit piaarnerpaamik iluarsineqassapput, pilersuinerlili unittoornerup malitsigisai Nukissiorfiit akisussaaffiginngilai.

### 3. Attavilersinnermut aalajangersakkat

#### Nalunaarutiginninneq

#### 3.1

Innaallagissamik atortorissaarutininik nalunaarutiginninnerit Nukissiorfimmit elektroniskiusumik pisassapput una aqutigalugu; Dansk Energi-p nittartagaa [www.installationsblanket.dk](http://www.installationsblanket.dk), tak. Kalaallit Nunaanni innaallagissamut sakkortuumut sanaartukkanut ataatsimoorussamik aalajangersakkat (FBSG).

Attavilersinnermut naammassinninnermullu nalunaarutiginninneq elinstallatørip suliarinnissimasup pisussaaffigaa.

Innaallagissamut atortorissaarutit nutaat, tamakkununga ilaallutik atortorissaarutininik pioreersunik alliliinerit allannguinerillu, kiisalu maskiinanik atortunillu attaviliinerit taamaalillutik nalunaarutigineqassapput. Atortorissaarutit tamaasa ataasiakkaat nalunaarutigineri nassiunneqassapput.

Nalunaarutiginninnerit amigaateqartumik immersorneqarsimasut itigartitsissutaasinnaapput.

#### Attaviliinerni naammassinninnermilu nalunaarutiginninnerit

#### 3.2

Ima pisoqartillugu atorineqassaaq:

- Atortorissaarutininik annertusaaneq uuttuutini pissutsinik allanngortitsinissamut pisariaqartitsinngitsut
- Sanaartukkat innaallagiaannik qaammatini pingasukkaartuni misissuinermi
- Parnaarutit peerneqarsimanerini
- Atortorissaarutininik ullut 90-it sinnerlugit ingerlasimangitsuni misiliineq, tak. FBSG 3/INST §620.1-imik misissuinermi misileraanermilu

Attaviliinermi naammassinninnermilu nalunaarutiginninnermi elinstallatørip immersuiffissaq immersussavaat: måler nr.

#### Innersuussineq

#### 3.3

Attavilersinnermut piunasaqaatit innersereerpat, ikkussuinnermut immersugassap innersuussutai Nukissiorfiit elektroniskiusumik elinstallatørimut nassiutissavaa.

#### Naammassinneq pillugu nalunaaruteqarneq

#### 3.4

Ikkussugassatut suliassaq nalunaarutigineqartoq naammassereeraangat ikkussuinermi immersugassaq naammassineranut nalunaarutitalik immisorlugu nassiunneqassaaq.

Nalunaarutigineqartut ilaat naammassineqarsimangippata, naammassinninnermi nalunaarummi tamanna ilisimatitsissutigineqassaaq.

Pilersuinermi aqqummut ikkuffiup nalunaarutigineqareersumut sanilliullugu allanngortinnissaa kissaatigineqarpat, ikkussuinissamut immersugassaq nutaaq nalunaaruteqartarnermut malittarisassat malillugit nassiunneqassaaq.

<b>Attavilernermit akiliut</b>	3.5 Nutaamik attaviliinermit imaluunniit attaviit pioreersut annertusassagaanni, Nukissiorfiit Tuniniaanermut Piumasaqaataani akit atuuttut malillugit sullitaq attavilernermit akiliummik akiliissaaq.
<i>Immikkut piumasaqaatit</i>	3.5.1 Piginnittoq/atuisoq ikkuffimmut atatillugu Nukissiorfiit pilersuutaasa inissisimanerinit imaluunniit ilusianut immikkut piumasaqaateqarpat, immikkut piumasaqarnermit atatillugu aningaasartuutit piginnittup/atuisup akilissavai.
<b>Isumannaarinernik qaangiineq</b>	3.6 Piginnittup/atuisup pilersuinermit annertussutsit qaangerpagit Nukissiorfiit pilersuinerup annertussusia ilaneqassasoq Nukissiorfiit piumasaqarsinnaavoq. Nukissiorfiit Tuniniaanermut Piumasaqaatai atuuttut naapertorlugit attaviliinermit piginnittoq/atuisoq akiliissaaq.
<b>Piginnittup aamma atuisup akornanni attuumassutsit</b>	3.7 Atuisoq illumi atortorissaarutit ataffiinik piginnittuunngippat, Nukissiorfiit piumasaqarsinnaavoq, atuisup uppernassassagaa, nutaamik ikkussuussat imaluunniit pilersuinermit annertussutsit allannortinnissat piginnittup akuerisimagai.

## 4. Atortut innaallagiatortut

### Illup atortorissaarutai

#### 4.1

Piginnittup, tak. "Kalaallit Nunaanni innaallagissamut sakkortuumut atortut pillugit ataatsimoorussamik aalajangersakkat" taamatullu "Innaallagiaq sakkortooq pillugu nalunaarut", atortorissaarutit isumannaatsuunissaat akisussaaffigaa.

Innaallagissamut atortorissaarut ajoquteqartoq innaallagissamik pilersuinermi aqqutinut ikkunneqaqqusaanngilaq.

Illup atortorissaarutai ajoquteqartut, taamaalillunilu innaallagissamik isumannaatsitsinissaq pillugu aalajangersakkanik eqquutsitsinngitsut, Nukissiorfiit paasiguniuk, pilersuinerup qaminnissaanut Nukissiorfiit pisinnaatitaavoq. Tamatumunnga atatillugu Nukissiorfiit aningaasartuutai piginnittup akilissallugit pisusaatitaavoq.

Illup atortorissaarutaanik misissuineq Nukissiorfiit isumagisimagaluarpaguluunniit, atortorissaarutit isumannaatsuunissaat piginnittup kisimi akisussaaffigaa.

Atortorissaarutip atorunnaarnissaa nalunaarutigineqarpat, assersuutigalugu uuttuutip peerneratigut, atortorissaarut peerneqarsimassaaq.

Atortorissaarut qaammatit pingasut malittut sinnerlugit atorneqanngippat, tamatuma kingunerissavaa, atortorissaarut elinstallatørimit akuerisaasumit misissorneqassanngilaq misilerarneqassananilu. Atortorissaarut aallarteqqinnginnerani minnerpaamik aalajangersakkat suliarinninnerup nalaani aalajangersakkat malillugit pissaaq.

Taamattaq uuttuummik ikkussuinnginnermi, taamaalillunilu atortorissaarutip aallarteqqinnginnerani innaallagissamik pilersuisumut atuilernissamut nutaamik nalunaarutiginnittoqassaaq.

### Atuinermi pigisat

#### 4.2

Atuinermi pigisat ledningertai ikkuffiilu ilanngullugit isumannaatsuunissaat piginnittup/atuisup akisussaaffigai.

### Ataatsimoorussamik maleruagassat

#### 4.3

Piginnittup/atuisup atortorissaarutai, atuinermilu pigisanut ilaasut una malissavaat; "Ataatsimoorussamik maleruagassat, Atortunik innaallagiatortunik atuinermilu pigisanik attaviliineq" Kalaallit Nunaannut ilassutit ilanngullugit.

### Ikkussuutaniit imaluunniit atuinermi atortunit ajoqusiinerit akornusersuinerillu

#### 4.4

Atortorissaarutit atuinermilu pigisat atorneqarnerminni Nukissiorfiit pilersuinermi atortuinik imaluunniit uuttuutaanik ajoqusiissanngillat imaluunniit artukkiissanngillat, taamattaarlu piginnittup/atuisut allat akornusersorneqassanatik.

Piginnittoq/atuisoq atuinermi pigisaqartoq, kisimiilluni imaluunniit

allat atortorissaarutaat ilanngullugit, pilersuinermi attavinnik annertuumik akuerineqarsinnaanngitsumillu akornusersuisoq, akornusersuinerit tamakku iluarsinissaannut pisussaataavoq imaluunniit Nukissiorfiit iluarsaassinermi aningaasartuutai akilertussaallugit.

Akornusersuinerit tamakku taaneqartut iluarsineqarsimangippata Nukissiorfiit innaallagissamik pilersuinermik qamitsisinnaatitaavoq.

**Illut atorineqanngitsut**

4.6

Nukissiorfiit illumut atorineqanngitsumut innaallagissamik pilersuineq piginnittup akiligassanik ikkuffikkut qamissinnaavaa, innaallagissamik pilersuinermi aqutitut allanut ajoqusiisoqarsinnaappat imaluunniit akornusersuisoqarsinnaappat imaluunniit inunnik imaluunniit naleqartunik qularnaarinermik navianartorsiortitsisinnaappata.

Tamatuma pinnginnerani Nukissiorfiit piginnittoq tamatumingna nalunaarfiginiassavaa.

**Paasissutissanik  
nassiussuineq**

4.7

Nukissiorfiit innaallagissap aqutaatigut paasissutissanik nassiussuineq allatulluunniit maluginiutinik nassiussuineq siumut allakkatigut akuersissummik pissarseqqaarnani inerteqqaavoq.

## 5. Akiliisarnissamut uuttuutit

### 63 A angullugu

#### ilanngullugulu uuttuutininik tunniussineq

#### 5.1

Uuttuutit marluinnik ikkuffillit taamaallaat Nukissiorfiit atorpai.

Installatørip tunngaviusumik atortorissaarutini uuttuutit 63A ilanngullugu ikkussuineq isumagisarpaa kiisalu uuttuutip pisoqqap peernissaa.

Pisuni ataasiakkaani tamani Nukissiorfiit aalajangissavaa installatørip imaluunniit Nukissiorfiit uuttuutininik ikkussuinerit paaanerillu isumagissaneraa.

Elinstallatørip ikkussuinissamut immersugassami "uuttuutip nassiunnissaa kissaatigineqarpoq" nalunaarsimappagu, immersukkap tigunerani (ullut pingasut iluanni) uuttuutip aaneqarnissaanut/nassiunneqarnissaanut piareersarneqassaaq. Nassiussinerup kingunerissavaa, sullitaq nassiussinermi akiligassanik akileqquneqarnissaa. Uuttuut ullumi aalajangersimasumi nassiunneqarnissaa kissaatigineqarpat ikkussuinissamut immersukkami tamanna nalunaarneqassaaq.

Uuttuutip tunniunneqarnissaa pillugu ullormik taggissineqarsimanngippat, uuttuutip ikkussuunnissaa/piareersarnissaa sioqqullugu Nukissiorfiit elinstallatørimit saaffigineqarnissani utaqqimaassavaa.

Installatørip uuttuut Nukissiorfinnut aassavaa

**Malugisassaq:** *Sullitat uuttuuteqanngitsut attavilerneqanngisaannassapput, Nukissiorfiit innersuussutaanni allamik allassimasoqanngippat.*

### 63 A sinnerlugu uuttuutit Innaallagissamik sakkortusaatini uuttuutit

#### 5.2

Uuttuutit 63 Ampere sinnerlugu sakkortutigisut elinstallatøri isumaqatigiissuteqarfigalugu Nukissiorfinnit ikkussuunneqassapput. Uuttortaariaatsit ataatsimoortut artukkiisinnaanerannik misilinneqartariaqarput, taamaammallu sakkortussutsimik aqutsiffimmut ikkussisoqarsinnaavoq uuttuutip ikkussuunneranut atatillugu.

**Malugisassaq:** *Nukissiorfiit innaallagissamut sakkortusaatinik elinstallatørinut imaluunniit aqutsissutinik sanasartunut tunniussisanngilaq.*

*Tamaattorli Ataatsimoorussamik Maleruagassani sakkortusaaviit angissusissaattut tagginneqartut arlaat atorineqassaaq, kl. 02S 300/5 – 600/5 – 1000/5 – 1200/5, angissutsit taaneqartunit sakkortunerusut atorineqassappata, Nukissiorfimmit akuerineqarnissaaq pisariaqarpoq.*

### Sanaartornermi innaallagiaq

#### 5.3

Sanaartornermi atortorissaarutininik innaallagiatortunik ikkussuinermi attavilernissamut nalunaarutiginnittoqassaaq, kingusinnerusukkullu naammassinera pillugu nalunaaruteqartoqarluni.

Sanaartornermi innaallagissamut uuttuummik ikkussisoqassaaq.

Ilaqutariinnut atatsinut illut nalunaarutigineqarneranni ( $\leq 63A$ ), aallaqqaammut sanaartornermi innaallagamik attaviliineqarluni, kingornalu illumi aalajangersimasumik ikkussuiffiginninneq, installatørimit ataatsimit suliarineqartoq, illu nutaaq nalunaarutigineqassaaq, ilutigitillugulu sanaartornermi innaallagiq nalunaarutigalugu. Uuttuut ataavartussaq ikkussuunneqarsinnaavoq, aallaqqaammut sanaartornermi innaallagiatut atorineqartussaq, kingornalu illup iluanut nuullugu.

**Atortuni**

**tikinneqarsinnaanngitsuni  
uuttuummik inissiineq**

5.4

Uuttuutit tikeriaannanngorlugit inissinneqassapput, taamaliornikkut ajornaatsumik taarserneqarsinnaallutillu atuarneqarsinnaallutik.

Erseqqissaatigineqassaaq, uuttuut sumiiffinnut inissinneqassammat, akornuteqanngitsumik tikinneqarsinnaassalluni.

Ima paasillugu, toqqaannartumik isersinnaaffeqassalluni, sumiiffinnut tunisassiorfiusunut sumiiffinnulluunniit allanut, isinnginnermi immikkut ittunik piumasaqaateqartuni (ass. uffarfik).

Tamatuma kingunerisinnaavaa aqutsiffik uuttuummik aqutsissummut aammalu ataatsimoortunut aqutsissummut avinneqarnissaat pisariaqassasoq.

**Uuttuummik nuussineq**

5.5

Uuttuut tulluannngitsumut inissinneqarsimappat, taamaaliornikkut misissuineq atuaanerlu nalinginnaasutut suliarineqarsinnaanatik, sullitap (piginnittup) akiligaanik uuttuutit nuunneqarnissaa pillugu Nukissiorfiit piumasaqarsinnaatitaavoq.

**Aqutsiffimmi titartakkat**

5.6

Uttortaaveqarfiata imaluunniit qitiusumik isumannaarinnermut **innaallagamut uuttorneqanngitsumut** aqutsiffia sanaartunnginnerani aqutsiffik pillugu titartakkamik Nukissiorfimmut nassiussisoqassaaq.

Nukissiorfimmit innersuussut tiguneqarsimatinnagu ikkuffik attavilerneqassanngilaq.

Titartakkami makku nalunaarneqassapput:

- Ikkuffiup atortui aamma qupillugu takussutissaq
- Uttortaaveqarfiup innaallagiakkut ilisarnaataa sakkortussusialu
- Aqutsiffiup aserortoarluni qaminnissaanut illersuutissat innaallagiq sakkortoq pillugu nalunaarummi piumasaqaatit assinginut paasissutissat
- Uttortaaveqarfiup inissinneqarfia
- Elinstallatør-ip imaluunniit suliffeqarfiup siunnersuisartup aqqa najugaalu

**Malugisassaq:** Uttortaariaatsip agguarneqarnissaa akuerisaanngilaq.

Attaveqaatinut attavilissagaanni Ataatsimoorussamik Maleruagassani aalajangersakkat malugeqquneqarput. Nukissiorfinni piumasaqaataavoq Ataatsimoorussamik Maleruagassani aalajangersakkat innaallagissamut sakkortusaavinni uuttuutini nalunaarsuiffinni nutaani malinneqassasut, attaviliineq uuttuutini ungasianit atuaanermut atorineqarsinnaassammat.

Installatørip akisussaaffigaa nalunaarsuiffiit Ataatsimoorussamik Maleruagassani aalajangersakkat aamma Innaallagiq sakkortooq pillugu nalunaarummi aalajangersakkat malinneraat.

## **Parnaarineq**

### **5.7**

Uttuutip pussuguttartuata karsiata parnaarsimanissaa pingaaruteqarpoq. Taanna innaallagissamut atortunut naqissutaavoq (plombe), inuinnaat iserfigisinnaanginnerinut takussutaalluni.

Atortorissaatutini parnaarsineq Nukissiorfiit isumagiuartussaavaa, pisunili ataasiakkaani immikkut ittuni suliassaq Nukissiorfiit installatørimut suliakkiissutigisinnaavaa.

## **6. Ikkuffiit**

### **Ikkuffinnik ikkussineq**

#### **6.1**

Ikkuffik "Ataatsimoorussamik maleruagassat" aamma Kalaallit Nunaanni Innaallagissiornermi Oqartussat ataatsimoorussamik maleruagassanut ilanngussani atuuttuni aalajangersakkat malillugit ikkunneqassaaq.

Innaallagiq sakkortooq pillugu nalunaarummi immikkoortoq 6 (432.4) innersuussutigalugu sikringit EN 60269, EN 60898, EN 60947 imaluunniit EN 61009 malillugit aalajangersimasumik qamittaateqanngitsut atornissat inerteqqutaavoq. Tamatuma kinguneraa ikkuffik taamaallaat kabelskabimut attavilerneqarsinnaasut, Nukissiorfiit napparutip naqqanut ikkussimasai, napparummut attavilernissaani innersuussummut taarsiullugu.

Ledninginik silaannakkoortunik sikringinik ikkuffilinnik ledninginut silaannakkoortunut sioqqanik imalinnik sikringilinnut attavilerneqarsinnaasunut attaviliineq taamaallaat Nukissiorfiit akuerisinnaavaat utaqqiisaasumik atortunut (sanaartornermi innaallagiq).

### **Immikkut ittumik ikkuffiliineq**

#### **6.2**

Inissianik qaleriiaangitsunik sanaartornermi inissiat ataasiakkaat tamarmik immikkut ikkuffiit aqutigalugit pilersorneqassapput, tak. ilanngussaq 1.

Inissiat ataasiakkaat arlalinnik qaleriiaartuusinnaapput, ataasiinnarnilli najugaqarfiusinnaalluni.

Assersuutigalugu illut affarleriit marlunnik ikkuffeqassapput, illut uiguleriiaat najugaqarfiit amerlassusii malillugit amerlaqataannik ikkuffeqassallutik.

**Ikkuffiit  
ataatsimoorussat**

6.3

Arlalinnik qaleriinnik inissialiortoqartillugu najugaqarfiit ataasiakkaat, inissiat qaleriillutik inissinneqarfiusut, ataatsimoorussamik ikkuffik aqputigalugu pilersorneqassapput, tak. ilanngussaq 1.

Qaleriissanik inissialiornerni (inissiat blokkit) inissiat ataatsimoorussamik ikkuffik aqputigalugu pilersorneqarsinnaapput, minnerpaamilli blokkimut ataatsimut ikkuffik ataaseq, tak. ilanngussaq 1.

Ataatsimoorussamik ikkuffimmik atuinermi innaallagissamut atortut ataasiakkaat ikuallattoornissamut inunnillu isumannaallisaaneq peqputigalugu sumiiffimmi ataatsimi atortorissaarutit silataanni qaminneqarsinnaassapput.

**Piginnittumut  
piumasaqaatit**

6.4

Ikkuffik piginnittumit akilerneqassaaq, ikkunneqassaaq aserfallatsaaliorneqarlunilu.

**Attaviliineq**

6.5

Elinstallatøri sumiiffimmi Nukissiorfiit Ingerlatsinermit Pisortaanit pisinnaatitaaguni, elinstallatørip attaviliineq innersuussut malillugu kiisalu kabelskabinik ikkussuineq pillugu Nukissiorfiit ingerlatsinermit ilitersuutaa malillugu isumagisinnaavaa aammalu kabelskabimi ikkuffiit nalunaaqutsersorlugit.

Innersuussut Nukissiorfinnit tiguneqareersimatinnagu ikkuffinnik attavilersuineq inerteqqutaavoq.

**Napparummut  
attaviliineq**

6.6

Ikkuffik silaannakkut ledningitut imaluunniit kabelitut nivingasutut suliarineqarsimappat, ikkuffiup aalajangernera illup sapinnginneraa piginnittup akisussaaffigaa. Nukissiorfiit taamaallaat taarsiisussaataapput Nukissiorfiit tungaannit sumiginnaasoqarsimappat.

## 7. Maalaaruteqarsinnaaneq

### Maalaaruteqarsinnaaneq 7.1

Sullitap Nukissiorfiit pilersuinera il.il. naammaginngikkuniuk, tak. pilersuinermi piumasaqaatit makku, uunga maalaaruteqartoqarsinnaavoq:

Nukissiorfiit  
Sullitat maalaaruteqarfiat  
Postboks 1080  
3900 Nuuk

Aalajangiineq sullitap naammaginngikkuniuk, aalajangiineq uunga maalaarutigineqarsinnaavoq: Pisortaaneq, Nukissiorfiit, Postboks 1080, 3900 Nuuk.

Pisortaanerup pilersuinerit imaluunniit akiligassiissutit il.il. pillugit aalajangiineri uunga maalaarutigineqarsinnaapput; Ineqarnermut, Attaveqarnermut Angallannernullu Naalakkersuisoqarfik (IAAN), Postboks 909, 3900 Nuuk, imalt. e-mailikkut: IAAN@nanoq.gl.


## Ilanngussa 1.

### IKKUFFIIT AMERLASSUSIINIK AALAJANGIINEQ


Assersuutit:

Quleriunngitsunik sanaartornermi


Ilaqtariinnut ataatsinut  
illu




Illut affarleriit




Illut uiguleriiaat



Akuleriinnik  
inissialiorneq




**Akuleriinnik  
inissialiorneq**



Atortut tamarmik sumiiffimmi ataatsimi atortut silataannit  
qaminneqarsinnaassapput.

**Quleriiaannik  
inissialiorneq**



Atortut tamarmik sumiiffimmi ataatsimi atortut silataannit  
qaminneqarsinnaassapput.